



Concello de Carral

CONCELLERÍA DE COMERCIO, TURISMO E MOBILIDADE
Campo da Feira s/n
15175 Carral (A Coruña)
Telf. 981 670 002
www.carral.es

II CONCURSO DE TAPAS “CARRAL CON MOITO GUSTO” 2021

1. INTRODUCCIÓN.

A organización do concurso de tapas *Carral con moito gusto* xurde como unha actuación prioritaria dentro do plan de dinamización do comercio e a hostalaría local que está a desenvolver a Concellería de Turismo, Comercio e Mobilidade co propósito de situar a nosa vila no epicentro comarcal en canto a actividades de ocio e lecer, explotando as oportunidades xeográficas e medioambientais do noso municipio.

Carral con moito gusto, **aínda que xorde por primeira vez no ano 2019 ten vocación de se converter nun evento anual** que permita visualizar, por unha parte, a gran calidade gastronómica existente na nosa vila, e por outra, os exquisitos produtos do noso agro. Trátase, por tanto, de promover tanto á hostalaría local como ao sector agrogandeiro carralés que antano tivo a consideración de *horta da Coruña*.

O Concurso se encadra dentro dunha aposta clara do Concello de xerar sinerxías entre os distintos sectores produtivos do municipio, así neste caso, ademais do sectores citados: hostalaría e sector agrogandeiro, tamén terá incidencia sobre o comercio local.

Carral con moito gusto, non so pretende fomentar e **potenciar a nosa tradicional cultura do tapeo para achegar máis vida as rúas**, senón que tamén aspira a que sexa visualizada, vivida e degustada por persoas de fora do noso municipio, coa intención de converternos en referencia comarcal do tapeo.

Está destinado aos establecementos hostaleiros e de restauración do ámbito municipal de Carral que acepten estas bases e se inscriban para participar neste concurso. **Son aceptadas calquera das tipoloxías hostaleiras: bar, mesón, restaurante e cafetería, sempre e cando prime na elaboración das tapas o uso de produtos locais e de tempada.**

2. DATAS E HORARIO.

Do **3 ao 6 de decembro do 2021**, ambos os dous incluídos.

O concurso dará comezo ás 19:30 h do 3 de decembro.

O horario de degustación das tapas será de 13:00 a 16:00 horas e de 19:30 a 23:00 horas

3. INSCRICIÓNS.

O prazo de inscricións será desde o **2 ata o 5 de novembro**, ambos os dous incluídos, sendo esta totalmente gratuíta.

A folla de inscrición debidamente cuberta presentarase no rexistro do Concello (Campo da Feira s/n, Carral), antes das 14:00 horas do día 5 de novembro. Deberá incluír o selo do establecemento, ou o CIF e sinatura no caso de non ter selo.

Na presentación terá que indicar a ficha técnica da receita (nome da tapa, ingredientes, alérxenos, etc.) e datos do establecemento.

Na inscrición tense que indicar se desexan ser **Establecemento colaborador**. Serán establecementos colaboradores aqueles que doen un premio que poderá consistir nunha cea/comida, ou aquel outro que o establecemento decida. Estes premios sortearanse entre o público que realice a ruta do tapeo unha vez finalizado o concurso. Os establecementos colaboradores contarán cun espazo especial na publicidade que se faga do evento.

Os establecemetos adheridos obríganse a manter a súa participación durante todos os días da promoción e no horario establecido, ofrecendo a tapa elixida para o concurso, agás os días de peche oficiais do local, que será debidamente xustificada na inscrición.

4. TAPAS.

Os establecementos poderán presentar unha tapa como máximo, a un prezo a elixir, segundo custe e calidade dos ingredientes entre: 1€ ou 1,50 € ou 2 €.

Todos os establecementos participantes están obrigados a presentarlle á organización fotografías da súa tapa. A realización das mesmas farase na Casa da Cultura de Carral. Teléfonos 981 672 580, durante o día **8 de novembro** a partir das 9:30 ata as 14:00h.

5. PREMIOS AOS HOSTALEIROS.

Todas as tapas presentadas optarán aos seguintes premios:

Premio do xurado popular.

As votacións realizaranse nas urnas situadas nos establecementos participantes.

- "Premio Mellor Tapa 2021": Este premio será seleccionado polos clientes. Premio dotado con Diploma e Trofeo.

Premio do xurado profesional.

- "Primeiro Premio do Xurado 2021": Premio á mellor tapa elerxida por un xurado de expertos, que consistirá en Diploma e Trofeo.
- "Segundo Premio do Xurado 2021": Premio á segunda mellor tapa a criterio do xurado de expertos que consistirá en Diploma e trofeo.

6. CONDICIÓN DE PARTICIPACIÓN.

- Cada establecemento só poderá participar cunha soa tapa, e as tapas estarán deseñadas e elaboradas especificamente para o Concurso, non aceptándose tapas que xa estean en carta ou habituais do establecemento.**
- As tapas presentadas deberán figurar na oferta habitual do establecemento como mínimo durante os días de celebración do concurso.
- Primarán na elaboración das tapas o uso de produtos locais ou de proximidade e de tempada.**
- Non se admitirán máis de 3 tapas similares en canto ao seu concepto nin tapas con mesmo nome. O Concello resérvase o dereito de rexeitar ou solicitar novas propostas aos establecementos rexistrados. Neste sentido terase en conta a orde de inscrición.
- A organización resérvase o dereito de non aceptar unha tapa a Concurso se considera que non se axusta ás condicións descritas. Neste caso, e dentro do prazo establecido, o establecemento terá a opción de presentar outra tapa a Concurso en calquera das modalidades.
- Non se aceptarán receitas precociñadas en toda ou algunha dos seus partes.**
- Exhibir nun lugar visible do interior do establecemento o distintivo que identificará aos participantes no Concurso de Tapas "CARRAL CON MOITO GUSTO".

- h. Colocar, nun lugar visible e accesible, a urna deseñada ao efecto e debidamente precintada, na que o público depositará os cupóns de voto da mellor tapa do público, e que optarán aos premios do público por participar.
- i. Dentro do establecemento, indicar e diferenciar de maneira visible na súa oferta a tapa que participe no Concurso.
- j. Dar un informe final do número de tapas vendidas e colaborar coa enquisa de valoración do evento que se realizará co fin de realizar propostas de mellora para as posibles futuras edicións do mesmo.
- k. Selar a todos os clientes que o precisen, co seu correspondente selo no cupón de voto.

É motivo de expulsión do Concurso o incumprimento dalgunha das normas aquí establecidas.

7. SELECCIÓN E XURADO OFICIAL.

O xurado oficial visitará os establecementos participantes en calquera intre. Irán debidamente acreditados. Os custes das tapas e da consumición dos membros do xurado correrán a cargo de cada un dos establecementos participantes.

O fallo do xurado será inapelable.

A organización reserva para si o dereito a tomar decisións non reflectidas nas presentes bases de cara a mellorar a organización e xestión do mesmo.

8. CRITERIOS DE VALORACIÓN.

Os criterios de valoración do **xurado oficial** serán os seguintes:

- a. Elaboración de tapa, puntuarase de 0 a 10.
- b. Olor, textura e sabor, puntuarase de 0 a 10.
- c. Presentación, puntuarase de 0 a 5.
- d. Calidade do servizo, puntuarase de 0 a 5.
- e. Orixinalidade e creatividade, puntuarase de 0 a 5.

A metodoloxía de valoración do **xurado popular** será a seguinte:

- a. Os clientes dos establecementos adheridos ao concurso realizarán a votación a través dun cupón de voto que será entregado nos locais participantes. Dito cupón servirá para valorar a mellor tapa.

- b. O cliente poderá pedir que o responsable do establecemento participante lle confirme o consumo da súa tapa selando o cupón de voto oficial do concurso, nun dos 6 ou 8 espazos reservados (en función do número de participantes). O cliente conservará o cupón de voto co obxectivo de acadar o mínimo de establecementos para poder optar aos premios por participar.
- c. Cada cliente que desexe participar no concurso deberá ter selado **6 ou 8 establecementos diferentes** que participen neste concurso. Este requisito será imprescindible para acceder ao sorteo de premios para o público que terá lugar unha vez rematado o concurso.
- d. Unha vez acadados os **6 ou 8 selos diferentes mínimos**, o cliente cumprimentará os seus **datos persoais** e anotará a **mellor tapa do concurso**, dentro do seu criterio. A continuación depositará o seu cupón de voto secreto dentro das urnas seladas habilitadas para o concurso en calquera dos establecementos participantes, ata o domingo 9 de decembro ás 23h.
- e. Todos os boletíns de participación mal cumprimentados, danados ou presentados fóra de prazo serán rexeitados.
- f. Procederase ao sorteo dos premios entre os participantes o venres 10 de decembro de 2021.

9. CUPÓN OFICIAL DE VOTO.

- No cupón de voto constarán os datos básicos do concurso, as condicións de participación, os datos que cumprimentará a persoa participante así como os espazos para os selos dos establecementos. Tamén haberá un espazo para a cumprimentación do voto á "mellor tapa do 2021".
- O Boletín de participación é persoal e intransferible. Para que sexa válido deberán cubrirse todos os datos persoais que se solicitan.
- Poderá recollerse nos seguintes puntos:
 - Concello e Casa da Cultura
 - En calquera dos establecementos adheridos a este concurso.
- Para poder optar aos premios do Boletín de participación, **deberán estar selados un mínimo de 6 establecementos diferentes adheridos.**
- O período de vixencia do Boletín de voto será o da duración do concurso: do 3 ao 6 de decembro de 2021, ás 23:00 horas.
- O establecemento está na obriga de selar (ou indicar o seu CIF e sinatura, no caso de non ter selo) o boletín de voto ás persoas usuarias que así o soliciten, unha vez que o cliente consuma a tapa realizada para o concurso.

- Todos os boletíns de participación presentados e válidos terán dereito a participar no sorteo dos premios ofertados no concurso.
- En cumprimento do establecido na Lei Orgánica 15/1999, de Protección de Datos de Carácter Persoal, con respecto aos datos facilitados na participación no concurso, informamos de que todos os participantes poderán solicitar os seus dereitos de acceso, rectificación, cancelación e oposición no Campo da Feira, Casa do Concello, Carral.

10. ENTREGA DE URNAS.

O martes día 7 de decembro, de 9 a 14 horas, os establecementos participantes procederán á entrega das urnas seladas cos correspondentes voletíns de voto no interior nas oficinas do Concello de Carral, sito no Campo da Feira, Carral.

Calquera urna manipulada, desprecintada ou presentada fóra de prazo quedará anulada do concurso con todos os votos que conteña.

11. ACTO DE CLAUSURA. ENTREGA DE PREMIO E SORTEO DE PREMIOS AOS CLIENTES.

O acto de clausura inclúe o ditame dos xurados así como a entrega de premios aos establecementos participantes e o sorteo dos premios do público.

Terá lugar o venres 10 de decembro ás 19 h no salón de plenos do Concello de Carral.

Para escoller os premios do público extraeranse X cupóns de voto, ás que se lles asignarán cada un dos premios ofertados. A continuación, extraeranse outros X cupóns de voto por rigurosa orde que serán os suplentes para o caso de non aparecer os anteriores.

12. MÁIS INFORMACIÓN.

Podes obter máis información nas Oficinas do Concello de Carral ou no Edificio Social Toñito Espiñeira, no teléfono 625869329 e no correo electrónico lucia.vazquez@carral.es .